

# SUL CYFFREDIN 15

GENESIS 45:1-15; SALM 133;  
RHUFEINIAID 11:1-2A, 29-32; MATHEW 15:[10-20] 21-28

---

---

## ● Gweddi agoriadol

Dduw y gwawrio,  
rwyd ti yno pan ddeffrown y bore,  
i groesawu'r diwrnod newydd.

Dduw'r bore,  
rwyd ti'n bresennol ar ein taith,  
ein cynorthwywr ar ein ffordd.

Dduw canol dydd,  
rwyd ti gyda ni yn ein dod ynghyd;  
mewn cyfeillgarwch fe'n bendithir.

Dduw gyda'r nos,  
rwyd yn ein hynlacio,  
ein gorwedd i lawr i orffwys.

## ● Moliant

Dduw ffyddlon,  
a ddewisodd un bobl  
i dderbyn dy fendith,  
er mwyn, drwyddynt hwy,  
y caet dy ddatguddio  
i'r holl bobloedd,  
bendithiwn dy enw ardderchog.

Dduw ffyddlon,  
sydd drwy un person,  
Iesu Grist ein Gwardwr,  
yn dwyn trugaredd,  
heddwch a gwardigaeth  
i'r holl bobl,  
bendithiwn dy enw ardderchog.

● **Cyffes**

Gofynni i ni  
fod yn bresenoldeb i ti  
yn y byd hwn,  
i wahodd eraill i'th deyrnas,  
i fwydo'r newynog,  
i iacháu'r cleifion,  
ac eto dyw'n geiriau  
ddim yn adlewyrchu ein ffydd.  
Dyna ein siom.

Maddau i ni  
a glanha ein calonnau,  
fel bo'r geiriau a lefarwn  
yn unig yn rhai  
sy'n calonogi,  
yn dwyn iachâd,  
cyfanrwydd,  
bendith  
a gogoniant i'th enw.

● **Diolch**

Diolch i ti  
am y bobl gyffredin  
sy'n dwyn i'n bywydau  
ddoethineb, cariad,  
a gair yn ei le,  
trugaredd,  
tangnefedd.  
Pobl gyffredin  
sydd drwy rym yr Ysbryd  
yn rhai anghyffredin  
yn dy wasanaeth.  
Pobl gyffredin  
sydd drwy gariad Crist  
yn dod â phresenoldeb Duw  
i'n bywydau.  
Wrth roi  
bydded iddynt dderbyn  
a boed i'w bywydau gael eu bendithio yn wir.